



Аҳолининг тинч ва осойишта яшаши кўп жиҳатдан ички ишлар идоралари пост-патрул хизмати ходимлари жойларда ўз хизмат вазифаларини қай даражада бажаришига боғлиқ.

СУРАТДА: Октябрь тумани ИИБ пост-патрул хизмати ходимлари (чапдан) милиция кичик сержанти Иномжон Сувонов, милиция кичик сержантлари Рашид Боқиев ва Жамолдин Ҳайдаровлар тунги навбатчилик пайтида.

Х. ШОДИЕВ олган сурат.

ҚИСҚА САТРЛАРДА ХОРАЗМ

СИНАБАНД КИШАН БҮЛДИ

Урганч савдо идорасига қарашли 42-дўкон сотувчиси Ойбиби Жабборова ўтган йил 8 декабрь кўни харидор Раъно Собировага 2 дона сийнабанд, 24 дона тиш пас-таси ва 10 дона совун со-тиб, унинг ҳақидан 84 сўм 50 тийин уриб қолди. Тек-шириб кўрилганда «чаққон» сотувчи 2 минг 173 сўмлик молларни яшириб қўйганли-ги ҳам маълум бўлди.

ПЕШОНАДА КЎЗ БҮЛАДИ

Султон Аҳмедов Урганч автошохбекати кафесига бу-фет мудир бўлиб ишлайди. У харидор Собир Матқу-бовага 1 килограмм 835 грамм колбасани 2 килограмм деб сотган ва 7 сўм 35 тийинлик маҳсулотни чайнамай «ютиб» юборишни мўлжаллаган. Е-тавба, дейиш керак, колба-сада ҳам суяк бўларкан, то-моғига тикилиб қолди.

Шаҳардаги «Олимпия» рес-торани хизматчиси Артур

Машарипов мижозга 4 шиша ароқ сотаётганда, ўзининг фойдасига атиги 70 сўмга «адашди».

Сановат моллари савдоси идорасига қарашли 19-дўкон сотувчиси Оллоберган Олла-мов қозон сотаётиб, хари-дорнинг 11 сўм 80 тийин ҳа-қини кассасига солди. Қа-рангки, бу «содда» ҳам бошқаларнинг пешонасида кўз бўлишини унутган экан.

АЙБ СИНГИЛДАМИ ЕКИ АКАДА!

Рустам Бектурдиев вилоят маҳаллий сановат бошқарма-сига қарашли «Олтин воҳа» дўкониде ишлайди. У савдо-га алоқаси бўлмаган синг-лиси Ширинни иш жойида қолдириб, ўзи қаёққадир кетди.

Ширин Гулимбой Маҳму-дов ва Эркин Сандовларга челек сотаётиб, 28 сўм 50 тийин ортиқча пулни ўз-лаштирамоқчи эди-ю, бироқ...

М. НАВРУЗАЛИЕВ,
Хоразм вилояти ИИБ хо-
дими милиция лейтенанти.

ЎЗНОМАСЕВАР

МУЛОҲАЗА ЮРИТАДИ

Бу йил ҳам «Постда»га обуна бўлганим учун мам-нунман. Бу фикрим мубо-лага эмас, рўзномамиз жумҳуриятимиздаги энг қи-зиқарли нашрлардан би-рига айланиб бормоқда. Бунда таҳририят ходим-ларининг хизматлари кат-та, албатта.

Таҳририят ходимлари! Фарғонада яшаб, меҳнат қи-лаётган мухлиснингиз — бир шифокорнинг, унинг ҳамкасблари ва оила аъзо-лари миннатдорчилигини қабул қилингиз.

риб чиқиш зарур. Шу мав-зуда умумхалқ референ-думини ўтказиш жоиздир. Тараққиётимизни орқага тортаётган шахслар зар-рача раҳм-шафқат қилиш-маянтими, биз ҳам муро-сасиз бўлишимиз, қонун-ларимизни инсон ҳуқуқини тўла маънода ҳимоя қила-оладиган даражада ислоҳ этишимиз шарт. Ички иш-лар идоралари, суд ва прокуратуралар ишини ҳам замон талабига мослаб ўз-гартириш пайти келди. Ва-ҳоланки, жиноятчиликка

ЙЎЛДАГИ ТЎСИҚ

Худого минг қатла шукр-ки, Ўзбекистонимиз осмо-нида мустақиллик офтоби чарақлай бошлади. Насиб этса, юртимиз тараққий этган, ҳар тарафлама бар-камол, адолатли давлатга айланади. Ҳозирги турму-шимиз биз истагандай фар-овон бўлмасда, ҳар қалай менда ҳам ёруғ кун-лар келишига ишонч бор. Бунинг учун жон куйди-риб меҳнат қилишимиз ло-зимлигини «Постда» ўқув-чиларига (агар улар бун-дай насихатбозликдан эн-салари қотмаса) эслатиб қўймоқчийдим.

Бу йўлда бизга нималар ҳалақит бериши мумкин?

Менимча жиноятчилик! Минг афсуски, ҳозирча жамиятимиз чайқовчилар-дан, фирибгарлардан, бю-рократлардан, ёвузлару каз-зоблардан тозаланганича йўқ. Одамлар ўртасида ан-дишасизлик, нопоклик ва ҳаромтомоқлик иллатлари барҳам топмаган.

Аҳвол шундай қолавер-са, яқин келгусидаги ёруғ кунларни башорат қилиш қийин.

Бу борада каминанинг мулоҳазаси — зудлик билан жиноятчиликка қар-ши ҳамма қонунларни кў-

қарши фақат уларгина юз-ма-юз туришибди. Бошқа-ларнинг эса оддий томо-шабиндан фарқи йўқ. Ҳеч бўлмаганда ҳуқуқ-тартибот ҳимоячилари қўлини ки-шанлаб турган қонунлар-ни синдириб ташлайлик, ахир! Токи улар ёвузларга бор кучлари билан зарба бериш имкониятига эга бўл-синлар.

Энди бевосита «Постда» рўзномаси ижодкорларига таклифларим. Назаримда, унга яна битта саҳифа қў-шиш, ҳеч бўлмаганда кат-тароқ ҳажмда чиқариш ке-рак. Ва шу билан бирга биз каби мухлислар фикр-мулоҳазалари, таклиф ва талаблари чоп этилмасдан қолмасин. Бошқалар билан ҳамнафас ишлаш ҳар би-римиз учун, айниқса, шу кун-ларда ҳаводай зарурдир.

Иккинчи таклифим — рўзноمانинг номи ҳақида. Бу борада бошқа мухлис-лар ҳам ўз фикрларини билдиришяпти. Бундан ха-бардорман. Менимча, уни «Зарба», «Посбон», «Адо-лат сари» (танлаб олиш яна кўпчиликка ҳавола) деб номланса, тўғрироқ бўлар-ди.

И. САЙДАЛИЕВ,
шифокор.

ХИЗМАТГА ТУҲМАТМИ?

«Постда»нинг саҳифала-рида эълон қилинаётган мақолалар иш жараёни-мизда учрайдиган айрим муаммоларни ҳал этишда, тушунмовчиликларни бар-тараф қилишда ва бошқа масалаларда бизга кайта ёрдам беради. Бундан таш-қари кўнгилмизда туғил-ган мулоҳазаларни ҳам-касбларга етказиш имко-нини туғдиради. Ўзингиз-га маълумки, бизда ҳам ҳар хил қийинчилик ва тушунмовчиликлар учраб туради. Бунга бир мисол келтириб ўтмоқчиман.

Мен 1991 йил 15 август-дан бошлаб меҳнат таъти-лида эдим. Шундай бўлса-да, туман ИИБнинг янги биноси қурилиши қандай кетаётганини билиш мақ-садида 27 август кўни иш-хонага бордим. Уша кўни эрталаб навбатчи мили-ционер Тоғаевнинг ўз ва-зифасига совуққонлиги ту-файли ўта хавфли жиноят-чи Баҳриддин Ҳусанов қоч-ган экан. Бу ҳақда хабар беришлари билан дарҳол оператив гуруҳ тузиб, қо-чоқ яшириниши мумкин бўлган жойларга жўнат-дим. Кечки пайт олинган маълумотларга асосланиб,

ЮРАГИМИН ЕЗМОҚЧИМАН

мен ва жиноят қидирув бўлинимаси бошлиғи Ма-дамин Исоқов жиноятчи-нинг изига тушдик. Уни қидириб топдик. Бироқ осон-ликча таслим бўлмади. Қаттиқ олишув давомида унга ўқотар қуролдан жар-оҳат етказилди ва қўлга олинди. Кейин эса касал-хонага жойланди. Албатта, бунда жиноят қидирув бў-линимаси бошлиғи Мада-мин Исоқовнинг хизмати катта бўлди.

Афсуски, жумҳурият ич-ки ишлар вазирлигидан борган вакил мазкур во-қеа содир бўлган жойда бўлмасдан, уни яхшилаб ўрганмасдан ва ҳатто мен билан суҳбатлашмасдан, эшитган гаплари асосида Сурхондарё вилояти ички ишлар бошқармаси йиғи-нида сўзлаб, туман ИИБ ходимларига жазо берили-шини сўраган. Оқибатда менга қаттиқ ҳайфсан эълон қилишган. Менинг ўрнимда вақтинчалик иш-лаб турган Ғазнаевни ва навбатчи Тоғаевни хизмат вазифасига нолойиқ, деб топилган.

Хўш, бу воқеа учун кимлар жазо олиши керак эди-ю, кимлар мукофотла-ниши керак эди? Меҳнат таътили пайтида содир бўлган воқеа учун масъул эмаслигини ва менга жа-зо берилиши ноўрин экан-лигини ҳамкасбларимга ту-шунтирдим. Бироқ улар парво қилишмади. Аммо бошқа ҳамкасблар мен тушунмади, деб ўйлай-ман. Ҳар қалай ҳар бир киши ўзининг аниқ хато-си учун жазоланса, унга сира алам қилмайди. Бу воқеага касбдошлар ва ва-зирлик қандай баҳо бери-шаркан?

Эломон РАҲМОНОВ,
Сурхондарё вилоятида-
ги Шўрчи тумани ички
ишлар бўлими бошли-
ғи, милиция майори.

Ўзбекистон Республикаси Президенти ҳузуридаги Вазирлар Маҳкамасининг қарори

ЎЗБЕКИСТОН РЕСПУБЛИКАСИ МИЛЛИЙ ГВАРДИЯСИНИ ТУЗИШ ТЎҒРИСИДА

Вазирлар Маҳкамаси «Ўзбекистон Республикаси давлат мустақиллигининг асослари тўғрисида»ги 1991 йил 31 августда қабул қи-лингган Қонуннинг олтинчи моддасига мувофиқ қарор қилади:

1. Ўзбекистон Республи-каси давлат мустақиллиги-ни, фуқароларнинг консти-туциявий ҳуқуқлари ва эр-кинликларини ва республи-канинг ҳудудий яхлитлиги-ни ҳимоя қилиш мақсадида Ўзбекистон Республикаси Ички ишлар вазирлиги ҳар-бий қисмларидан бирининг негизда Ўзбекистон рес-

публикаси миллий гвардия-си бригадаси тузилсин.

2. Ўзбекистон Республи-каси Ички ишлар вазирли-ги ушбу ҳарбий қисмни шахсий таркиби, қурол-яроғлари, техникаси ва ўз-га мулк билан биргалик-да Ўзбекистон Республика-си Мудофаа ишлари вази-рлиги ихтиёрига топширсин.

3. Ўзбекистон Республи-каси Ички ишлар вази-рлиги Тошкент олий ҳарбий-техника бидим юрти бино-лари ва иншоотлари маж-муи миллий гвардия тура-диган жой деб белгилансин ва бу мажмуа Ўзбекистон

республикаси Мудофаа иш-лари вазирлиги баланси-га ўтказилсин.

4. Ўзбекистон Республи-каси миллий хавфсизлик ташкилоти собиқ СССР Давлат хавфсизлиги коми-тети илмгоҳи филиалининг хизмат биноларининг бутун комплексини, иморатлари-ни ва қурилмаларини мол-мулк ва жиҳозлари билан биргаликда бир ҳафта муд-датда Ўзбекистон Респу-бликаси Ички ишлар вази-рлиги баланси-га топширсин.

5. Ўзбекистон Республи-каси Мудофаа ишлари ва-зирлиги миллий гвардия

бригадаси тузилиши, низо-ми ва ходимлари рўйхати-га доир таклифларни бир ҳа-фта муддатда Ўзбекистон Республикаси Вазирлар Маҳкамасига тақдим этсин, бунда ҳарбий хизматчилар, уларнинг оила аъзолари учун белгиланган барча ҳу-қуқлар ва имтиёзлар мил-лий гвардияга жорий эти-лишини ҳамда алоҳида хиз-мат шaroити учун йиғирма фоиз миқдорда оширилган устама белгиланини кўзда тутиш.

6. Ўзбекистон Республи-каси Мудофаа ишлари ва-зирлиги, Молия вазирлиги, Иқтисод комитети Ўзбеки-стон Республикаси миллий гвардиясини пул ва моддий-техника билан таъминлаш масаласини бир ҳафта муд-дат ичида кўриб чиқсин.

Вазирлар Маҳкамасининг
Раиси

И. КАРИМОВ.

ТҒИХАТ ҒРНИДА

ЮЗЛАРИДАН НУР ЁҒИЛАР



Умри бежиз оқар сувга қиёс этишмас экан: Ҳаши-паш дегунча ҳар кун кўриб, мулоқотда бўлиб юрадиганимиз — қадрдонимиз Ғафур Раҳимовичнинг табаррук 63 ёшга тўлганларини сал бўлмаса, сезмай қолай дебмиз. Доимо нур ёғилиб турадиган юзларига ажин тушганини, сочларини қиров босганини пайқабмиз ҳам.

ИИБда бошқа ташкилот ва корхоналардан фарқли ўлароқ бир одат бор. Айниқса, ўзимиздан ёши улуг кишиларни исм-шарифларини ёки унвонини айтиб чақиришга ўрганганмиз. Аммо вазири ўринбосари милиция генерал-майори Ғ. Раҳимовни мансаби ёки унвони энг кичик ходимларгача орқаворотдан «Ғафур ака» деб, ёш жиҳатдан кичиклар ҳатто «Ота» деб чақиришади. Ва шу тўғрисида расмийликдан воз кечиб, у кишига бўлган қайноқ меҳр-муҳаббатларини изҳор қилишади. Зеро бундай эҳтиромга сазовор бўлиш ҳар кимга ҳам насиб этавермайди.

ҚУТЛОВ

Ҳали навқирон йигитларга хос ғайрат-шижоат, завқу-шавқ тарқ этмаган Тоҳир Шопўлатович 50 ёш қаршилаганига даб-дурустдан ишониб қийин. У кишининг сермашаққат ва сермазмун ҳаёт йўли ёшлар учун ибрат бўла олади.

Тоҳир ака бундан роппароса 29 йил муқаддам умумий овқатланиш корхоналарининг бирига оддий ошпаз сифатида ишга кириб, ҳаёт қозонида қайнади.

1974 йили ички ишлар соҳасида меҳнат фаолиятини бошлади. У аввалига Чирчиқ шаҳар ИИБда бўлинма командири бўлиб хизмат қилди. Шундан кейин Тоҳир ака Шохидоев 16 йил давомида оператив бўлакларнинг турли хил зобитлик лавозимларида ишлаб келди.

Тоҳир Шопўлатовичнинг

Агар у кишининг босиб ўтган ҳаёт йўллари назар ташласак, Ғафур ака ортда қолган 63 йил мобайнида тақдирнинг не-не синовларига дош бериб, яқнао ягона мақсад — эл-юрт тинчлигини сақлаш йўлида обдон тобланганларига гувоҳ бўламиз.

Тақдир у кишига мурувват кўрсатмади, тангилик қилмади. Уч ёшда оталаридан, ўн ёшда оналаридан етим қолди. Ҳатто ҳамма қатори мактабда бемалол таҳсил олиш ҳам тўлиқ насиб этмади. 1943 йилдан то 1949 йилгача Андижондаги «Ватан учун» номи артелда аввал шогирд, кейин уста бўлиб меҳнат қилганлар. Кечки мактабда ўқидилар.

Сўнгра у киши учун долғали замонда мустақил қадам ташлаш пайти етиб келди.

1949-1951 йилларда ССЖИ давлат хавфсизлиги вазирлигининг Тошкентдаги мактабда таҳсил олди. Хизмат фаолиятларини вилоят милиция бошқармасида оператив вакил лавозимидан бошлаган Ғафур Раҳимович ўзларининг улусга бўлган чексиз садоқатларини ҳалол хизмат қилиш орқали намоён этавердилар. Ваҳоланки, бу ҳислат ҳеч қачон эътибордан четда қолмайди. Шу боис, 1954 йилда Андижон вилояти ИИБ-социалистик мулкни талон-торож қилиш билан кураш бўлими катта оператив вакили, 1961 йилда шу бўлим бошлиғининг ўринбосари, 1964 йилда бўлим бошлиғи, 1967 йилда вилоят ИИБ бошлиғининг ўринбосари, 1979 йилда бошқарма бошлиғи этиб тайинландилар. 1983-1985 йилларда эса Бухоро вилояти ИИБ бошлиғи бўлиб хизмат қилдилар. Маъна, салкам

етти йилдирки, Ўзбекистон Жумҳурияти ички ишлар вазирининг ўринбосари сифатида фаолият кўрсатмоқдалар. От ўрнини той босар деганларидек, у киши фарзандларининг аксарияти ҳам милиция соҳасини танлашган.

Ғафур Раҳимович ёш жиҳатдан кўпчилигимиздан улуг бўлсаларда, ғайрат-шижоатда ҳеч кимдан ортда қолмайдилар. 1990 йили қўшни Қирғизистоннинг Ўш ва Жалолобод вилоятларида юз берган қонли воқеалар ҳаммамизнинг эсимизда. Генерал Раҳимовни ўша пайтда Андижон вилояти комендант қилиб тайинлашди. У кишига табиат ато этган ҳушёрлик, зукколик ва йиллар давомида ортирилган тажриба қўл келди. Азал-азалдан қондош-жондош бўлиб келган ўзбеги қирғизлар ўртасидаги фавқулоддаги келишмовчиликни, низоини бартараф этишда ҳиссалари катта бўлди.

Ана шу хизматлари эвазига у киши Қирғизистон Жумҳурияти ички ишлар вазирлиги милиция полковниги Ф. Кулов буйруғига мувофиқ қимматбаҳо буюм билан тақдирландилар. Ваҳоланки, Меҳнат Қизил Байроқ ордени ва қатор медалларнинг ҳар бири ҳам ана шундай фидойиликка берилган баҳодир.

Биз фурсатдан фойдаланиб, Ўзбекистонда хизмат кўрсатган ҳуқуқшунос, ИИБда хизмат кўрсатган ходим, Ўзбекистон халқ маорифи аълочи, энг муҳими вазирлигимизга фойда бағишлаб турган устозимиз Ғафур акани муборак айём билан қутлаймиз. Сиҳат-саломатлик, боқий умр тилаймиз.

Ўзбекистон ИИБ ҳайъати ва шахсий таркиби.



ҳаловатини кўринг, Тоҳир ака.

Ўрта Осиё транспортдаги ички ишлар бошқармасининг раҳбарияти ва шахсий таркиби.

«КЎНГИЛЧАН» БАНД

жатарини қасддан йўқотиб юборар экан. Кўрилган чоралар натижа бермагач, Гулистон шаҳар халқ суди томонидан икки йилга озодликдан маҳрум этилди.

Яна бир даъди — Николай Сергеев ҳам олдин икки марта судланган бўлиб, у ёқдан қайтган, ўз «касбини» давом эттирди. Топганини ичиб юраверади. Тўғрилаб берилган ҳужжатларни иргитиб ташлаган. Бу шахс ҳам ЖМнинг 220-банди билан айбланиб, икки йил муддатга озодликдан маҳрум этилди.

Келтиролган десангиз, бундай мисоллардан хоҳлаганча топиш мумкин. Ҳақиқат савол туғилади. Булар иш-

ламаса, топар-тутарининг тайини бўлмаса, қандай қилиб кун кечиришяпти? Уларнинг кўпчилиги тиланчилик билан шуғулланишади. Халқимизнинг бағри кенг: «Кел, шу бечоралар ҳам кун кечириши керак-ку», — деб танга-чақа ташлаб кетишади. Дайдилар эса тўплаган пулларига ичишади. Бундай саховат тиланчи-дайдилар сонини оширмаслигига ким кафолат беради?

Баъзилар бундайларни уйларига олиб бориб, ҳар хил юмушларни бажартиришади. Қоринларини тўйдиришади. Озроқ вақт ўтиб: «Пуллим ёки бирор буюмим йўқолди», — деб милицияга муурожаат қилишади. Бу пайт-

Кўпдан-буён юртимизда юз бераётган кўнгилсиз воқеалар хусусида матбуот нашрлари орқали фикр юритиш истагида эдим. Яқинда Тошкент шаҳрида талабалар билан юз берган фожиали воқеалар сабаб бўлиб, ниҳоят қўлимга қалам олдим.

Ҳозир ёшим 65 да. Шунинг 40 йилини халқимиз осойишталиги йўлида сарфлаб, милиция сафида хизмат қилганман. Шу даврда оддий милиция ходимлигидан то шаҳар ички ишлар бўлими бошлиғи, вилоят ички ишлар бошқармасининг бўлим бошлиғи даражасигача бўлган вазифаларда ишладим. Милиция полковниги унвони билан тантанали вазиятда фахрийликка чиқдим.

Асли мен бир қишлоқ боласиман. Фарғона туманининг Миндон қишлоғида ўсганман. Улуг Ватан уруши бошланган кезлари ўн тўрт яшар бола эдим. Ўқиш билан бирга далада ҳисобчилик қилишга ҳам тўғри келди. Кейинчалик

форасига ўйнаш шунчалар осон бўлса? Наҳотки нарх-навонинг кескин ортиши битта бизнинг жумҳуриятимиздагина эмас, балки собиқ ССЖИ таркибида бўлган бошқа жумҳуриятларга ҳам тааллуқлилигини, собиқ мамлакат катта иқтисодий танглик вазиятини бошдан кечириётганлигини улар тушуниб етмаётган бўлсалар?!

Мен юқорида урушдан кейинги йиллардаги талабалар аҳволини бекорга таърифлаб берганим йўқ. Бу замонларга эсон-омон етиб келишнинг ўзи бўлмади.

Менинг ҳаётим, айтганимдек, милиция сафида кечди. Кимки бу касб эгаларига осон турса, марҳамат қилиб ишлаб кўрсин. Зеро, ҳозирги алғов-далғов замонда хизмат қилаётган милиция ходимларига — авлодларимга сира ҳам осон тутмайман. Ҳатто баъзида ҳафталаб, ойлаб яқинлари, жигаргўшаларидан айрилиқда — «казарма» ҳолатида хизмат қилишяпти. Милиция-

ЎЙНАБ ГАПИРСАК ҲАМ ЎЙЛАБ ГАПИРАЙЛИК

Марғилон шаҳридаги ўқитувчилар тайёрлаш техникумига ўқишга кирдим. Талабалик йилларимни эсласам, ҳанузгача ғалати бўлиб кетаман. Миндондан Марғилонга, Марғилондан Миндонга пиёда, ёзда чанг-тупроққа беланиб, куз, қишда лойгарчиликларда қатнаганман. Бир кунга 400 грамм нон, тушликка ёвгон шўрва бериларди. У ҳам кунда бир маҳал, холос. Лекин муаллимларимиз доимо ҳолимиздан бохабар бўлиб туришар ва назорат қилишар эди.

... Ҳозирги талабаларнинг уст-бошларини ўзи фалон сўм туради. Гоҳо Фарғонага — олиё ва ўрта махсус ўқув юртларига отланган талабаларга эътибор бериб қоламан. Баъзилари ҳатто ўзларининг енгил машиналарида ўқишга қатнайдилар. Замон яхши. Лекин шундай замоннинг, тинч-тотувликнинг қадрига ёшларимиз етишлари керак. Ёшлик — бу ёлғиз ўйин-кулгулардангина иборат эмас. Ёшлик ғайрат-шижоат билан жамият равангага жўшқин ҳисса қўшиш ҳам демак.

Наҳотки, жумҳуриятимизда мустақиллик эълон қилинган, тинчлик, осойишталик сув билан ҳаводек зарур бўлиб турган пайтда баъзи бир ёшларимиз бу заруратнинг нақадар катта аҳамиятга молик эканлигини тушуниб етмаётган бўлсалар?! Бир ҳовуч вайсақи сиёсатдонлар, сафсатабозларнинг но-

ни ана шундай мураккаб ҳолатларда резина таёқ, курул ишлатишга нима мажбур қияпти? Менимча, воқеаларни янада кенгроқ кўламда фожиали оқибатларга олиб келиши мажбур қилаётир. Биз буни тўғри тушунишимиз керак. Шундай экан, қадрили ўртоқлар, ўйнаб гапирсак ҳам, ўйлаб гапирайлик. Аввало милиция ходимлари учун куч ишлатиш ҳавас ҳам эмас.

Ваҳоланки, милиция ходимларининг ўзлари ким? Ахир, улар ўзимизнинг укаларимиз, ўғилларимиз, яқинларимиз-ку! Улар ҳам жумҳурият мустақиллиги учун биз билан сиздек баб-баравар масъулдилар. Қолаверса, ҳали милициянинг айби исботланмай туриб, ҳолатлар чуқур ва атрофлича ўрганилмай туриб, жиноятчиға чиқариб қўйишнинг ўзи инсофдонми?

Бундан ташқари селдек тошиб келаётган ваҳимали оломон йўлини тўсиб, қачон бирон бир раҳбар ўртага чиқди? Ўшанда ҳам балога қолган милиция бўлптику?!

Мен жумҳуриятимиз президенти И. Каримов фаолиятини маъқуллайман ва бугунги оғир кунларда бу кишидан ортқ раҳбар бўлиши, раҳбарлик қилиши мумкин эмас, деб ҳисоблайман.

Мадаминжон БОБОРАҲИМОВ,
истеъфодаги милиция полковниги.
Фарғона вилояти.

ОМАДИ ЮРИШМАДИ

У йўлга тонгда чиқди. Туни билан мижоқа қоқмаган милиция ходимлари ҳориб, ҳушёрликларини бўшаптиради, деб ўйларди. Бироқ постга яқинлашгани сари юраги қиндан чиққудек тезроқ урарди.

— Эй, худо, ишқилиб қарамай турсинда. Оббо... — унинг лаблари унсиз шивирларди.

Қашқадарё вилоятидаги ДАНнинг «Дехқонобод» постида турган ходим машина тўхтатди. Қовоқлари ўқусизликдан шишиб кетган бўлсада, тетиклигини йўқотмаган милиционер Душанба шаҳар қўналғаси ишчиси Р. Хўшмонов бошқарган улус юкхонасидан 1,5 килограмм наша топиб олди.

Г. ТЕМИРОВ.

Жамиятимизда ишга бўйин ёр бермай, ҳар хил йўллар билан пул топиб, шаҳарма-шаҳар кезиб, кун кечиришга одатланган одамлар ҳам учраб туради. Уларни қисқа қилиб: «Дайдилар», — деб атаймиз. Кейинги вақтларда Гулистон шаҳрида бундай кимсалар кўпайиб бормоқда. Уларнинг аксарияти бошқа ўлкалардан ташриф буюрмоқда.

Шундай дайдилардан бири Елизавета Тимофеева ўтган йилнинг сентябрь ойида ушланиб, қабул қилиш ва тақсимлаш бўлимига келтирилди. Чебоксарида туғилган бу аёл муқаддам саккиз марта судланиб, жазо муддатларини ўтаб қайтган ҳам, бирор ишининг этагини тутмаган экан. Унга паспорт ва ишга йўлланма берилди. Афсуски, бу тақасалтанг ҳуж-

да дайдини шаҳардан қидириш эса бефойда бўлади. Келгиндилар билан мулоқот қилсангиз, уларда ўз юртларига қайтиш истаги йўқлигини сезасиз. Улар бу серкўёш диёрда оч қолмай яшаш, ҳатто бошпана топиш ҳам мумкинлигини эътироф этишади. Хўш, нонимизни «туя» қилувчиларнинг «ташрифлари»га чек қўйиш вақти келмадимикин? Яна шуни ҳам кўшимча қилиш керакки, ЖМнинг 220-моддаси қайта кўриб чиқилса, мақсадга мувофиқ бўларди. Негаки, халқимиз сингари қонуннинг ушбу банди ҳам жуда кўнгилчан. У билан айбланиб жазоланган шахс қилмишидан тўғри хулоса чиқариши мушкул.

Р. ДАУТОХУНОВ,
милиция майори.

УН ЎҒИРЛАНДИ

Ичкилик билан жиноятчиликнинг лойи бир жойдан олинган, десам янглишмайман. Чунки аксарият ҳолларда қора курсига ўтирганлар «маст ҳолда жиноят содир қилган» бўлишади.

Ушбу воқеа ўтган йилнинг 12 октябрида юз берди. Ёрқўрғонлик Абдурашид Дадабоев меҳмондорчиликка келган (аслида бошқа мақсадда экан) ҳамқишлоқлари Орифжон ва Зокиржон Дадамирзаевлар олдига тўрт шиша вино қўйди. Ичишди. Гурунглашди. Алламаҳалда 3. Дадамирзаев ўтирганлар билан хайр-хушлашди.

Бир оз ўтиб, яна эшик тақиллади. Оғайнилар келишган экан. «Ваҳ-ваҳ» қимор-бозликка уланди. Тун ярмида улар ҳам тарқалишди. Ниҳоят хонада икковлон — уй эгаси ва Орифжон қолди. Узаро «пичир-пичир» бошланди...

Эртаси кунни Ёрқўрғон қишлоқ Кенгашига қарашли Янгичек участкасида жойлашган 25-новвойхонадан беш қоп ун ўғирланганлиги маълум бўлди.

Орадан бир мунча вақт ўтиб, ўғирлар ушланди. Улар сиз билан бизга маълум «икковлон» эди.

Абдурашид Дадабоев. 1958 йилда туғилган. Ҳайдовчи. Бундан беш йил аввал Учқўрғон тумани халқ суди томонидан ЖМнинг 208-моддаси 1-қисми билан бир йилга озодликдан маҳрум қилинган.

Орифжон Дадамирзаев. 1969 йилда туғилган. Судланмаган, ишламайди.

20 ноябрь кунни Уйчи тумани халқ суди беш қоп унни 8 йилга алиштирди ва икковига (улар унни қандай бўлиб олишган бўлса) теппа-тенг бўлиб берди.

Баъзилар нафақат ичкилик, балки бугунги танглик, танқислик ҳам жиноятчиликка йўл очаяпти, дейишади. Менимча, бундай эмас. Ҳалол, виждонли, имон-нисофини йўқотмаган кишилар оч-яланғоч қолганда ҳам, ўғирликка қўл урмайдилар. Уғирлар эса мўл-қўлчилик даврида ҳам бўлган.

А. АЪЗАМОВ,
Уйчи тумани прокурори
ёрдамчиси.

ЛОҚАЙДЛИК ҚИЛИШЯПТИ

Ҳурматли муҳарририят!

Биз, ота-оналар, 220-мактаб ўқувчи ва ўқитувчилари ёрдам сўраб, мактуб йўллаяпмиз. Киров туманидаги Қаймоқов кўчаси ниҳоятда серкатнов. Болаларимиз мактабга боришлари учун ана шу йўлни кесиб ўтишлари керак. Йўлда эса на светофор, на ўтиш чизиги, на тезликини камайтириш зарурлигини кўрсатувчи белги бор.

Фақатгина шу ўқув йилининг ўзида икки марта болаларимиз машина остида қолишди. Утган ўқув йилида бундай фалокат бир марта юз берганди.

Мактаб маъмурияти ва ота-оналар бир неча бор туман ИИБ ДАНБга мурожаат қилдилар. Афсуски, ҳеч қандай чора кўрилмади.

Утган йилнинг октябрь ойида мактабда ўтказилган ота-оналар умумий йиғилишида шаҳар ИИБ ДАНБ бошлиғига хат тайёрланди. Хат остига йиғилиш иштирокчиларининг барчаси имзо қўйдилар. Аммо ушбу хатга жавоб ҳамон йўқ. Лоқайдлик ҳам шунчалик бўладими?

Йўлга тезроқ светофор ўрнатилишини, ўтиш йўлакларни чизилишини илтимос ва талаб қиламиз. Ахир, яримжон бўлиб қолаётганлар ўзимизнинг болажонларимиз-ку!

З. ХОЛИҚУЛОВА,
220-мактаб директори.
Н. ВДОВИНА,
мактаб таъкилотчиси,
ЗИЕВУДИНОВА,
ота-оналар қўмитаси раиси.

Юнусобод даҳасининг 8-маҳалласида жойлашган уй ертўласидан номаълум эркак жасаднинг топилиши Киров тумани ИИБ оператив гуруҳини оёққа турғазди. Экспертларнинг аниқлашига кўра, 27 ёшлар чама-сидаги бу йигит қорнига урилган кескир нарсга зарбидан кўп қон йўқотганлиги натижасида ўлган.

Марҳумнинг шахсини аниқлаш мақсадида 49-уйдаги кўпгина хонадонларда суриштирув ўтказилди. Афсуски, фойдаси бўлмади. Демак, жасад шу яқин орадаги уйлардан олиб келинган. Уни ким ташлаб кетган бўлсада, жуда шошилишган, шундоққина ерга ётқизиби, устидан бир-икки қатор гишт билан ўраб қўйишган эди. Шу яқин орадаги уйлардан бирида яшовчиларнинг гапларини эшитган милиция ходимлари калаванинг учини топишгандай бўлишди.

Мана, шу уйда яшовчи Михаил исмли кишининг гапи:

— 32-хонадонга бир йил олдин Нодира исмли аёл кўчиб келди-ю, файз кетди.

Чунки қош қорайгандан эрталабгача бу ерда ичкилик, уруш, тўполон бўлгани бўлган. Тамакию наша ҳиди бурқсиб, бизнинг қаватга кўтарилди. Бир неча марта ба айтиб огоҳлантирдим, фойдасиз. 24 январь кунни кириш эшиги олдидаги майдончада уч нафар нотаниш ўзбек йигитлар туришганини кўргандим. Икkitаси баланд бўйли бўлиб, бирининг мўйлови бор эди. Кечаси соат 24 ларда эса Нодиранинг хонадонидан тамаки ҳиди анқиб турарди. Маст-аласт товушлар, сўкинишлар, оғир нарсанинг полга гурсиллаб урилгани эшитилди. Саҳарда «меҳмон»лар зинапош майдончасига қочиб чиқишдию уй тинчиди. Бу ерда пистолетдан ўқ узишган, бир йигитни айвончадан ташлаб юборишган пайтлар ҳам бўлганди. Кимнингдир 10-12 ёшли болалари ҳам тез-тез пайдо бўлиб туришарди. Яна бир гапни қўшиб ўтмоқчиман. 25 январь кунни эрталаб подьездимиздан қурилишдаги вагонгача қон изини кўриб қолгандим...

Мавлудахон эса қуйидаги кўргазмани берди:

— Нодира ҳеч қаерда ишламайди. Турли миллатга мансуб эркак, аёллар тез-тез келишиб туради. Ярим тундан эрталабгача музыка, ғала-ғовур. Баъзан ёш болаларим ишхонамга телефон қилиб: «Ойижон, ишдан вақтлроқ келинг, қўрқямиз»,— деган вақтлар ҳам бўлган...

Нодиранинг қўшниси Ольга исмли аёлнинг сўзидан:

— 1979 йилдан буён шу уйда яшайман. Нодира кўчиб келди-ю, нотинчлик бошланди. Номаълум одамлар тез-тез пайдо бўлади. Айниқса, 24 январь кунни тун билан музыка ўйнаб, тинчлик бўлмади. Тунги соат учда юқори қаватдаги қўшнимизнинг танбехига Нодира қўполлик билан жавоб қайтарди. Кейин эса биз ухлаб қолдик...

Қани, Нодиранинг ён қўшниси Любовь Николаевна нима дер экан?

— Ҳа, Нодирами? 11 ойлик боласи бор. Баъзан кириб чой ичиб, гаплашиб чиқиб кетади. 25 январь куними? Ҳа, эсимда. Туғилган куним эди. Нодира Асат деган йигит билан кириб, бир пасгина ўтиришиб, чиқиб кетишди. Лекин у йигитни биринчи кўришим, билмайман.

— Мен, — деди яна бир

хонадон бекаси Татьяна, — 1975 йилдан бошлаб шу уйда яшайман. 32-хонадонга Нодира кўчиб келди-ю, тез-тез жанжал, тўполон, ҳақоратли сўкинишлар эшитилиб турадиган бўлди.

Хўш, асалга ёпирилган пашшадек нега ҳамма Нодираникида тўпланади? Хўш, у ўзи ким?

Мана, Нодиранинг тушунтириш хатидан:

«Мен, Умрзоқова Нодира 21 январь 1970 йилда Тошкент шаҳрида туғилдим. Маълумотим 6 синф. Ёлғиз онаман. 1987, 1990 йилда туғилган икки нафар болам бор. Турмуш ўртоғим қамоқда. Эримнинг дўсти Асат ака қамоқ муддатини вақтлроқ ўтаб чиқиб, биз билан вақтинча эрим рухсат бергани учун яшаб турганди...»

Нодиранинг гапларидан қотиллик содир бўлган тунда унинг уйда икки нафар боласи, Асат, Алишер, Сергей, Аҳмад, Даврон ва Рустам бўлганлиги маълум бўлди. Буларнинг ичиде ёши каттаси 31 баҳорни қаршилаган Рустам Азизов эди. Мана у нима дейди:

ни чақириб, оёқ-қўлидан кўтариб, хонага олиб кирдик, юпатдим.

Алишер хонтахтага яқинлашди-да, шундай деди: «Бўпти, келинлар. Винони ичайликда, уйларимизга кетайлик. Лекин мен ҳозироқ отамнинг олдига бораман».

Рюмкаларни ичиб бўшатган эдик ҳамки, Нодира эшикни очди. Қўшни аёл кириб, болаларининг иштонини сўради. Нодира иштончаларни бериб, кузатиб қайтаркан шундай деди: «Қўшним меҳмонга қақиряпти». Улар Сергей иккиси меҳмонга чиқиб кетишди. Бир неча дақиқадан сўнг Алишер ҳам қўшни хонадонга ўтиб кетди. Лекин мендан пул сўраб олди. Мен ҳам чиқиб, қўшни аёлнинг эри билан гаплашиб ўтирдим. Сўнгра Нодира билан қайтиб чиқдик. Залда Алишер, Аҳмад, яна икки йигитча ўтиришганди. Ўртада вино. Бир шиша винони олдим-да, қўшнига олиб чиқмоқчийдим, болалар: «Асат ҳам олиб чиқиб кетди»,— дейишди. Ишонмадим. Лекин ростдан ҳам у қўшни хонадонда экан.

ОКИЗБАТИ ВОЙ БЎЛДИ

— Мен Алишер Муҳаммаджонов ва Сергей Довольд билан бир йил муқаддам танишиб қолгандим. Тахминан 19-20 январь кунлари уйимга Алишернинг танишлари келиб сўрашди. Уни кўрмаганимга кўп вақт бўлганлигини айтдим. Улар эса Алишернинг отаси оғир аҳволда шифохонада ётганлигини айтишиб, чиқиб кетишди. Шундан сўнг маҳалламиздаги Асатни кўриб қолдим. У менга Алишер ва Сергей Юнусободда эканлигини айтиб, манзилларини очик-ойдин тушунтирди. Ўша заҳотиёқ уларни қидириб бордим. Лекин тополмай қайтдим. Орадан икки кун ўтгач, яна бордим. Бу сафар Нодира ва Асат бор эканлар. Асат менга: «Алишер ва Сергейни бу ердан кечагина ҳайдаб юборгандим, Чирчиққа кетишди»,— деди. Мен уйга қайтдим. Эртаси кунни савдо растасида Алишернинг дўстларини кўриб қолдим. Улар менга: «Ҳа, Алишерми, уни Юнусободда кўрдик, аниқроғи Нодиранинг уйида»,— дейишди.

Шу заҳотиёқ Нодираникига йўл олдим. Эшикни ўзи очди. Алишер ва Сергей ухлаш хонасига яширинишганини сезиб қолдим. Асат ҳам шу ерда эди. Болаларни залга қақирдим. Сўнгра Асатга: «Сен Алишернинг адаси оғир аҳволда шифохонада ётганлигинику биласан, уларни бу ердан ҳайдаш ўрнига яшириб ётганинг нимаси?»— дея бир урдим. Кейин эса Нодирани уришдим.

— Уйимга кимни қўйишим билан нима ишинг бор?— дея бақирди Нодира.

— Шунақамиз, — дея тарсаки тортиб юбордим юзига.

Нодира «дод» дея юғуриб равонга чиқди. Деразаларини оча бошлаганди, чиқиб ушлаб қолдим. Сергей

Бироз ўтириб, яна қайтиб чиқдим. Алишер, Сергей, Аҳмад, Нодира ашула айтишиб ўтиришарди. Асат кириб келди-да, Аҳмад ва менга боши билан «бу ёққа» ишорасини қилиб қақирди. Мен ошхонага чиқдим. Асат нимадир деди, яхши тушунолмай: «Нима?»— дейишим ҳамон чакагимга бир урганини биламан, холос. Ҳўшимдан кетиб йиқилибман. 4-5 соатдан сўнг ўзимга келибман. Ухлаш хонасига ётқизиб қўйишган экан. Залдаги овозларни эшитиб, секин-аста у ерга чиқдим. Алишер, Асат, Сергей, Но-

сўнг, — деди Алишер, — гумбирлаган овозни эшитиб кўрқиб кетдик. Ҳаммамиз ортиндан кирганимизда, сен полда беҳуш ётган эдинг». Шу пайт бошим қаттиқ оғригани учун энгашиб, икки кафтим билан бошимни чангалладим. Кутилмаганда ғалати товушни эшитиб, қаршимга қарадим. Пичоқ полда ётарди. Алишернинг қўли қалтираб, юзида қони қолмаганди. Асат эса қорнини ушлаб, довдирай-довдирай деворга суяниб, йиқила бошлади. қорнидан сизиб чиқаётган қон тобора кўпаярди. Сергей ирғиб турдию, Асатни кўрпачага ётқизди. Нодира ўзини ерга отди. Асат ҳирқираб, кўзлари ола-кула бўлиб, 2-3 минутдан сўнг жони узилди.

— Сен нима қилиб қўйдинг-а? Ахир, у ўлиб қолди-ку?— қичқириб юборди Рустам.

— Ўзим билмайман, қандай шунақа бўлиб қолганини, — дея гўлдиради Алишер.

— Даврон, тур ўрнингдан, — дейишди болалар.

Даврон Тўлаганов уйго-

ниб, қараса ишлар чатоқ. Асат ўлиб ётарди.

Кўпчилик жасадни кўтаришиб, Давроннинг кўчада турган «Москвич» машинасига жойлашди. Ҳадеганда машина ўт олмади. «Келинлар, яхшиси уй ертўласига кўмиб қўя қолайлик», — деди йигитлардан бири.

— Маъқул гап, — дейишди қолганлар.

49-уйнинг ертўласида мурда устини бир-икки қатор гишт билан ўраб қўйишди.

— Бу ишимиз бўлмади, — деди Аҳмад, — яхшиси жасадни ёқиб юборамиз. Қолганлар кўнишмади.


Шундай қилиб, кўнгило-чарга келганлар диллари ҳуфтон бўлиб тарқалишди. Бироқ биронтаси милиция ёки марҳумнинг оиласига хабар беришмади. Яхшики жонқуяр ички ишлар ходимлари бор экан, жасадни ҳам, қотилни ҳам, гувоҳларни ҳам топишди.


Киров тумани халқ суди ушбу иш юзасидан қуйидагича ҳукмини ўқиб эшиттирди: «Алишер Муҳаммаджоновни 8 йил муддатга озодликдан маҳрум этилсин». Жазо муддатини кучайтирилган режимидаги ахлоқ тузатиш колонияларида ўтатдиган бўлди. Суд бошқаларга ҳам тегишли чоралар белгилади.

Ўз нафсию манфаати йўлида, теварак-атрофдаги кишиларнинг тинчини ўйлаб кўрмайдиган, аёллик ифратини, ҳаёсини, ор-номусини бир пул қилганлар бор эканки, не-не ёшлар касофат домига тортилаверишади.


Ўз навбатида участка вакиллари «келди-кетди» жойларни вақтида текшириб, чора кўрмас эканлар, бундай ҳолларнинг олдини олиш қийин.

Х. МУЙДИНОВ,
милиция старшинаси.





Шанба учрашувлари



Косонда чошгоҳ маҳали...

«АЪЛОЧИ ЧАЙҚОВЧИ»

Деҳқон бозорининг доимий сотувчиси, олибсатар-чайқовчи кунда-шунда Бозорбоев олтиш йиллик умрини тонгдан-шомгача бозор пештахтаси ёнида ёқда туриб ўтказди. У аввалига онаси Ақчахон Тангаевадан савдо-сотиқ ишларининг нозик сирларини ўрганди. Йигирма бир ёшидан бошлаб эса ўзи мустақил бозорчилик қила бошлади. Ўттиз беш йилдан бери «дом»нинг иккинчи қаватида яшашига қарамасдан харидорлар дастурхонини йил бўйи кўк пиёз, тузланган қарам, бодринг, помидор ҳамда ҳар хил кўкатлар билан таъминлаб келмоқда.

Бугун ана шу сотувчининг олтиш йиллик юбилейи бозор ҳовлисида кенг ва тантанали равишда нишонланди. Тантанада бозор маъмурияти, сотувчининг ҳамкасблари, доимий харидорлари ва айни чоғда бозор ҳовлисида бўлган жамоатчилик иштирок этди.

Маросим охирида бозор директори Тўймас Бермасов сўзга чиқиб, кўп сонли сотувчилар ва харидорлар но-

мидан чайқовчини қизғин муборакбод этди, сўнгра унинг кўксига бозор маъмурияти томонидан таъсис этилган «Аълочи чайқовчи» нишонини тақиб қўйди.

ХИММАТ ВА ТАШАББУС

Бир юз иккинчи боғча-ясали мудираси Покизахон Ошкорева «хўжалик мудир» Бўламиз Шерикбоевнинг ўзига келтирган одатдаги улushi — олти килоча лаҳм гўшти бош ошпаз Умидворхон Бандабоевага топшириб, ҳаммасини болаларнинг овқатига ишлатишни буюрди.

Бунинг устидан чиқиб қолган халқ таълими бўлимининг ходимаси Хурматой Обрўева Покизахоннинг химматиға таҳсин айтиб, ташаббусни барча боғча-ясаларнинг мудиралари ўртасида, албатта, оммалаштираётганини айтди.

ҚОИЛ!

Марказдаги бош дўкандан чет эл камзул-шимини сотиб олган харидор сотувчига миннатдорчилик маъносига ўн сўм ошиқча пул ташлаб кетган экан. Бунинг кейин сезиб қолган сотувчи харидорни бекатга яқин-

лашганида қувиб етиб, пулини қайтариб берди.

ҒАЛАТИ ТАМҒА

Деҳқон бозори ёнидаги гўшт дўконларидан бирида осифлик турган қўй танасининг чап сони устига мол дўхтири босган тамғадаги ёзув қассобнинг диққатини тортди-ю, уни ҳижолаб ўқий бошлади:

«Тамға босилган сон меники, ё ўзини, ё пулини берасан. Шундай қилсанг, касал мол ёки ҳатто эшак сўйсанг ҳам, тамға босавераман. Акс ҳолда...»

Ҳозир ана шу тамгани мол дўхтирининг ўзи ясаганми ёки бошқа биров ясаб берганми, шунини аниқлашга киришилди.

ЙЎЛОВЧИЛАР УЧУН ҚУЛАЙЛИК

Очилмаган «Косон-Олатўн» йўналиши бўйича йўқ автобус қатнови йўлга «қўйилди». Олатўн қишлоғи аҳолиси қатнамаётган автобус хизматидан «баҳраманд» бўла бошлади. Эндиликда бу йўналишни Кўкдала қишлоғигача «узайтириш» кўзда тутилмоқда.

Нормамат ТОҒА,
Косон шаҳри.

ОЛИМЖОН ХОЛДОР

ҒАЗАЛИГА МУХАММАС

Ўз аслин тополмасдан ҳозир, замоним қуядир,
Жумбоқлар ечилмасдан, чор томоним қуядир,
Ер, сувим ҳолига йиғлаб осмоним қуядир,
Олам қуядир, олам бирла жоним қуядир,
Жонимни қўй жонимни, имоним қуядир.

Ҳақиқат томондаман, у қиличда чопилмас,
Исёнкор ҳаёлларим уйғониб ором билмас,
Очилган дард сандиғи энди асло ёпилмас,
Қуйган юрак ҳолини англагучи топилмас,
Кимга дил очай, дилу забоним қуядир.

Қайга бориб ҳол айтмай, урф бўлибди бир одат,
Исёф ўрнида бўҳтон, нон ўрнида хиёнат.
Туркистон осмонига қайдин келди диёнат?
Бахтимга ўзинг бор-ку десам, дейди—адолат
Мен бирла букун моҳитобоним қуядир.

Қуйган фақат мен эмас, бундайлар минг, юз мингдир,
Қалбаки либослар ҳам тўғри келмай тор енгдир,
Қулоч етмас Она-Ер гарчи жуда ҳам кенгдир,
Ўт кетса агар оламга у барчага тенгдир.
Бир мен эмас, яхшию ёмоним қуядир.

Қисмат ҳазили касал қўшади касалимга,
Билолмайман ким қўшди заҳарни асалимга,
Дод айлаб заминдан, боқиб тақдир азалимга
Нуқта қуйиш эртами, десам ғазалимга
Зилзилада дўст бирла душманам қуядир.

Семизликдан қутурса биров, биров яримжон,
Катталар айби билан болалар хаста, нимжон,
Баҳодир айтса бугун, керак бўлса—мана жон!
Ёдир мени, қуядир мени дейди Олимжон.
Не қилгум ахир, руҳи жаҳоним қуядир.

Баҳодир ИСРОИЛ.



ЭКСТРАСЕНСГА МАКТУБЛАР

Унвоним капитан. Кечқурун мени интизомсизликда айблашиб, чора кўрмоқчи бўлишди. Кечаси билан сеанснинг видеодан такрор-такрор қабул қилдим. Эрталаб қақириб, майор унвони беришди. Раҳмат.

ҚУВОНДИҚ

Қайта қуриш бошлангач, ишларимиз юришиб кетди. Чунки дўконларда ҳеч вако йўқ. Айниқса, хорижий моллар нархига ўт тушган: оз келади. Келганларини ҳам савдо ходимлари бизга беришяпти. Биз уларни ҳатто туғишганимизга ҳам уч бараварига сотардик.

Сеансларингиз бизга тўғаноқ-шлабаум бўлиб, йўлларимизни тўсиб қўйди. Фойда камайгандан камайяпти. Доктор! Қанча десангиз бераман. Сеансларингизни бас қилинг. Илтимос.

Чайқовчи АЛДАРОВА.

Шу кунгача устозларимиз мерос қолдирган анъаналарга содиқ эдим. Узатганларга хорижий моллардан берардик. Улар ҳам бирни икки қилишарди.

Доктор! Сеансларингиз бошга баро бўлди. Энди бировдан бирор нарса сўрай олмаяман. Олаётганимда тилим йўқ бўлиб қоляпти. Бу вақтинчами? Тилим кейин чиқиб кетадими, йўқми? Ёзиб юборинг, шунга қараб иш тутаман.

Мудир

Караматилло ИБН БАХШИЛЛО.
Ҳурматли доктор, тушунолмай қолдим, сеансларин-

гизни қабул қилган куним ярим йилдан бери яшириниб юрган ўта хавфли жиноятчини тутиб келтирдим. Яна бир қизиқ ҳодиса. Сеанс берилган кундан бошлаб бир ҳафтагача менинг зонамда умуман жиноят содир этилмади.

Илтимос, тез-тез сеанс бериб турсангиз. Мен гап эшитмай юрардим.

Сержант БЕРДИАЛИ.

Гапнинг лўндаси мен суюқоёқман. Ойида эримга 8-10 марта хиёнат қилганини билмай қоламман. Бу ёмон дард экан. Болаларимнинг бўйи етса ҳам, бу оdatимни тарк эттолмаяпман.


Сизнинг сеансларингизни қабул қилгач, таъсирини сездим. Ойлик хиёнатим 5-6 мартага тушиб қолди. Бунинг бирданига ташлаб бўлмас экан. Сеансларингизни қабул қилияпман. Ажаб эмас, мен ҳам «вафодор» бўлиб қолсам. Сиз билан ёлғиз учрашишнинг иложи йўқми-а?

ОРСИЗАХОН.

Анчадан бери жонажон дугонамнинг эри билан дон олишиб юрардим. Ҳеч ким сезмасди. Тўртинчи сеансдан сўнг маълум бўлдики, эрим ҳам дугонам билан дон олишаркан. Бунга қандай чидайман? Эрим ношукурни бу йўлдан қайтаринг, доктор!

БАРНУШКА.

Мантубларни оққа кўчирувчи:
Тўхташ АШУРОВ.



ҚИШ МАНЗАРАСИ.

Ҳ. ШОДИЕВ олган сурат.

ЛАТИФАЛАР

ИККИНЧИ

МАРТА ҚИЁМАТ

Мушфиқидан сўрабдилар: — Айтинг-чи, қачон қиёмат бўлади?

— Қайси бири — каттасими, кичигими? — савол берди Мушфиқий ҳам.

Одамлар ҳайрон бўлишди: — Наҳотки қиёмат икки марта бўлса?

— Албатта, — деди Мушфиқий, — кичкина қиёмат

БАҲРАМАНД

БЎЛСИНЛАР

Бир гуруҳ деҳқонлар вилоят ҳокимининг устидан подшога арз қилиб бордилар. Ҳокимнинг жабру зулмидан гапириб, ёрдам сўрадилар.

Подшо деди:

БОЛАНИНГ ТИЛИ ШИРИН

— Сенга ҳайвонот боғи ёқдими!
— Ҳа.
— Нимаси ёқди!
— Музқаймоғи.

— Ойи, сиз кичкина бўлганмисиз!
— Ҳа, қизим, бўлганман.
— Мендай кичкина-я!
— Ҳа, сендай.
— Унда менинг ойим ким бўлган!

Қизалоқ ойисининг рўзнома ўқиётганини кўриб деди: — Ойилар рўзнома ўқишмайди.
— Нима учун!
— Унда улар дада бўлиб қолишади. Э. РАҲМАТОВ,
Тошкент шаҳри.

— Сизлар ҳокимни бекорга ёмонлапсизлар, у бошидан оёғигача адолатли ва инсофлидир.

Деҳқонлар орасидан ҳозиржавоб бир йигит деди: — Шундай бўлса, унинг бошию оёқ-қўлларини бўлак-бўлак қилиб, бошқа вилоятларга ҳам тарқатсангиз, токи бошқалар ҳам унинг адлу инсофидан баҳраманд бўлсинлар.

Тожики тилидан Дилмурод САИДОВ таржимаси.

1. Мушфиқий — XVI асрда яшаган тожик шоир ва ҳажвчиси.

Муҳаррир

Зокир ОТАЕВ.

МАНЗИЛГОҲИМИЗ: 700029, Тошкент, Лопатин кўчаси, 1.

Ўзбекистон Жумҳурияти «Шарқ» нашриёт-матбаачилик концерни
Босмахонаси. 700083, Тошкент, Ленинград кўчаси, 32.

Телефонлар: муҳаррир—54-37-91,
муҳаррир уринбосари — 39-77-23,
муҳбирлар бўлими — 59-26-56,
умумий бўлим — 59-21-21.

«ПОСТДА» — («НА ПОСТУ») Орган коллегии МВД Республики Узбекистан
43920 нусхада чоп этилди.